



Fanaovana ny teboka.

## FEON'NY FAMANTARANA.

Raha vao manao zavatra amin'ny fomba iray Andriamanitra, satria tsy miova Izy (fa ao aminy dia tsy misy "fiovaovana na aloka fihemorana"), dia azo antenaina fa tahaka izany ihany no mbola fiasany araka ny Soratra Masina. Kanefa afaka manao zava-baovao Izy, tahaka ny nataony rehefa naniraka ny mpaminany Noah, rehefa niantso an'i Abrahama, rehefa naniraka an'i Elia, rehefa naniraka an'i Jaona Mpanao Batisa, ary rehefa naniraka ny Zanany Lahitokana dia Jesosy Kristy. Nisy olona maro foana nahalala ny Soratra Masina, nahafantatra ny faminaniana, fa tsy mba nahita ny masom-panahiny tamin'izay

nataon'Andriamanitra satria tsy manana izany izy mba hamantarany izay olona nalefan'Andriamanitra. Araka ny hitantsika ary dia tsy misy fomba hafa nahafantatra izay olona nalefan'Andriamanitra afa-tsy amin'ny asa izay ataony ihany, na hamarinin'ny Tenin'ny Soratra Masina izy.

Na dia i Paoly aza fony fahavelony dia efa tsy maintsy nahare fa tety an-tany Jesosy Kristy, kanefa tsy resy lahatra izy fa Jesosy Kristy io mpaminany voalaza ao amin'ny Deotoronomy 18:15 io. I Paoly koa dia tsy nahafantatra fa i Jaona Mpanao Batisa no mpialoha lalana an'i Kristy. Noho izany, tsy afaka nahafantatra tahaka ny mpianatry Jaona izy, izay nolazain'i Jaona hoe: "Indro ny Zanak'Onarin'Andriamanitra," ary nanaraka an'i Jesosy ireo nanomboka teo. I Paoly koa dia tsy nahafantatra an'i Jesosy tahaka andr'i Petera sy Matio ilay mpamory hetra, izay nitodihan'i Jesosy ary noteneniny hoe: "Araho Aho". Paoly dia tsy maintsy banana ny fahalalany manokana tany amin'ny lalana mankany Damaskosy.

Ny Lohandohan'ny Mpisorona, ny Mpanora-dàlana, ary ny Fariseo dia tsy nahafantatra ny Mesia, na dia efa nikaroka Azy fatratra aza izy ireo. Ny antony mantsy dia satria ny Mpisoronabe tsy nino ny valitenin'i Kristy rehefa nanontany Azy izy hoe: "Ianao ve ilay Zanak'i ny Avo indrindra? Naleon'izy ireo nanao blasfemia sy nampiasa ny Teniny mba hiapangana Azy toy izay nino Azy raha nilaza Izy hoe: "Izaho no Izy". Koa rehefa teo ambony hazo fijaliana i Jesosy dia njery an'izy ireo ary niteny hoe: "Ray o, mamela ny helok'izy ireo fa tsy fantany izay ataony." Raha ninoan'izy ireo fa Zanak'Andriamanitra Izy, dia tsynofantsihany, dia tsy tanteraka ny drafity ny Famonjena. Na dia nanao asa mahagaga aza Izy dia olona tsotra ihany ny fahitan-dry zareo Azy, ilay zanaka mpandrafitra. Nodiany tsy hita ny asany fa ny fombandrazany ihany no nataony fa tsy nanaiky izy ireo hoe diso ny ampianariny ny olona.

Nisy mpivaro-tena kely iray, vehivavy avy any Samaria voalaza ao amin'ny toko fahefatra ny bokin'i Jaona. Eto i Jaona dia mitantara ny fomba nipetrahan'i Jesosy teo amin'ny fantsakana, miandry ny mpianany, izay lasa tany an-tanàna hividy sakafy, rehefa tonga teo hantsàka rano teo ravehivavy.

Niangavy azy Izy raha mba afaka manome zava-pisotro Azy ravehivavy, ary dia tahakahaka'izao ny fizotry ny resaka nifanaovan'izy ireo:

"Tompoko," hoy izy, "tsy tsara ho anao Jiosy, ny manontany ahy Samaritana zava-pisotro."

"Raha mba fantatrao mantsy hoe iza no miresaka aminao, mangataka aminao zava-pisotro, " Hoy izy.

Hoy ravehivavy: "Tompoko, tsy manana na inona na inona hisintonana rano ianao.... Hianao va lehibe noho ny rainay, Jakoba, izay nanome anay ity fantsakana ity?"

"Sotroy ny rano izay omeko, ary dia tsy hangetaheta intsony ianao na oviana na oviana", hoy i Jesosy.

Tonga dia namaly ravehivavy, "Tompoko, omeo izany rano aho!" Jesosy nilaza izao taminy, ny hetahetany dia mazava; hetaheta sy ny hanoanana izay tsy ananan'ny olon-kafa, manatanteraka ny Teniny, "Sambatra izay noana sy mangetaheta ny fahamarinana; fa izy no hovokisana."

Dia hoy Izy taminy: "Andeha antsoy ary ny vadinao."

Menatra be izy. "Tsy manana aho", hoy izy namaly Azy moramora.

"Marina ny voalazanao," tonga amin'izay ny feon'Andriamanitra, mamantatra ny tena hevitra tao am-pony, "fa efa nanana dimy ianao ary ilay iray miara-miaina aminao ao tsy vadinao."

Eto ary, jereo ny fanambarana izay tonga tao am-pony, izay kely ihany ny fantany momba ny Soratra Masina izay manao hoe: "Tompoko, fantatra fa ny mpaminany milaza fa rehefa tonga ny Mesia dia hambarany amintsika izany zavatra rehetra izany.Kanefa ianao milaza fa na mivavaka eto amin'ity tendrombohitra ity aza izahay, dia ho avy ny andro izay tsy hanaovanay izany. Tompoko, hitako tokoa ianao fa mpaminany. " Vokatr'izany dia nihazakazaka nankany an-tanàna izy sady nihika hoe," Avia ianareo raha hijery lehilahy iray nilaza tamiko ny zavatra rehetra rehetra nataoko! Tsy ny Mesia ve izany? " Nahazo fanambarana bebe kokoa izy, tsy nilaza na inona na inona, noho ny ankamaroan'ny olona mpivavaka tamin' ny androny. Jesosy nilaza izaany satria izy ireo nilaza ho manana ny Mazava (kanefa tsy afaka nahafantatra ny asa fanompoana nataony ), jamba izy ireo.

Impiry i Jesosy no namantatra ny eritrerity ny olona? Impiry Izy no nahalala ny fanontanian'izy ireo, ary namaly azy ireo talohan'ny nametrahany ny fanontaniana? Tsy izany ve ny toetran' i Emmanuel, Andriamanitra amintsika, Jehovah ilay Mpamonjy tonga nofo? Tsy efa "famantarana", ve izany fa i Jesosy Kristy ilay Mpamonjy izao tontolo izao dia teo aminy? Nefa tsy nety nanaiky an'izany izy ireo. Dia hoy izy: "Raha tsy mino izay lazaiko ianareo, dia minoa ny asa izay ataoko." Izany io amin'izao fotoana izao, satria Izy no Jesosy Kristy ilay tsy miova omaly sy anio ary mandrakizay.

Nampianarina ahy ireo zavatra ireo tamin'ny Sekoly Alahady teo amin'ny fiainako, fa ny fotoana voalohany nahitako ny fisehon'ny toetran' Andriamanitra dia tamin'ny favoriana ny Janoary, 1950, tao amin'ny Sam Houston Coliseum, tao Houston Texas. Nisy vehivavy iray niakatra teny aloha mba hivavahana. Rahalahy Branham nitodika ka nanao taminy hoe: "Alohan'ny hivavahako ho anao dia hibebao ny fahotanao." Izaho hoy ilay vehivavy tena mpivavaka be. Dia hoy izy "Hianao efa namitaka ny vadinao." Ny vadiny moa dia nipetraka niaraka tamin'ny fiangonana teo tamin'izany fotoana izany. Nahatsikaritra olona nitangorona sady niresaka aho izay mirona mba hijery. Ny vadiny koa dia nanatona teo, mankany aloha eny amin'ny lapihazo mba handrara ny Rahalahy Branham amin'ny fiampanga ny vadiny. Ny mpikarakara ny fandaminana dia nanakana azy, fa ny Rahalahy Branham

nanao hoe: "avelao izy hanatona." Nihazakazaka ilay lehilahy nankeny amin'ny lapihazo, ary tokony ho telo metatra sy sasany eo ho eo ny elanelany sy ny Rahalahy Branham dia tafajanona izy noho ny tenin 'ny mpaminany, "Tompoko, ary ahoana ny momba anao sy ilay sekretera menavolo iny, nипетрака тao анаты фиара тamin'ny Zoma alina? "Dia notohizan'i Rahalahy Branham ny resaka tamin'izy roa, ka hoy izy hoe:" ny zavatra roa tokony ataonareo roa dia ny mibebaka amin'Andriamanitra, samy hiaiky izay vitany ary ho tena ho olona mpivady. "Izany zava-nitranga izany dia mihoatra noho izay efa hitako teo aloha.

Afaka andro vitsivitsy, dia namaky boky mirakitra ny tantaram-piainan'i Rahalahy Branham aho.- "Lehilahy nirahin'Andriamanitra". Ny mpanoratra io boky io koa moa dia tsy iza fa ny mpitantana (Manager) tamin'izany fotoana izany, izay nilaza fa anisan'ny andraikitra lehibe noraisiny ny tsy mampahafantatra ny toerana fialan-tsatry ny Rahalahy Branham rehefa tonga amin'ny tanàna iray izy hampivory. Ny antony mantsy dia nohon'ny fibosesehan'ny olona miditra ka manahirana azy mandritra ny favoriana, rehefa mila miala sasatra iny izy. Noho izany dia nanao izay fomba tsy ahafantarana ny Hotely (trano fandraisam-bahiny) nisy azy izy, afa-tsy ny tenany ihany sy ny olona tao, tahaka ny pastora teo an-tanàna izay nanohana ny asa.

Ny trangan-javatra nontatarainy dia miompana indrindra tamin'ny fotoana izay nanaovany ny asa fanaony, dia ny fitadiavana Hotely ho an'i Rahalahy Branham ary mampilaza ny Pasitora eo an-toerana. Ny Pasitora moa dia ny Rahalahy Branham no miresaka aminy avy eo rehefa tonga ao an-tanàna izy ary manontany ny efitrano hipetrahany. Ny Mpitantana (Manager) sy ilay Pasitora dia niandry ny alin'io, kanefa rahalahy Branham dia tsy niantso ka dia nampiasa saina azy ireo izany. Fa taiza ary Rahalahy Branham tamin'io? Tamin'ny farany rehefa niha alina ny andro, dia nanapa-kevitra ilay mpitantana ny andeha ho any amin'ilay Hotely mba hiala sasatra. Rehefa haka ny lakileny iny izy, dia hoy ilay mpiandry Hotely, "*Reverend Branham dia tonga aloha io hariva io.*" Sorena ilay mpitantana! Rahalahy Branham dia efa tao amin'ny efiranony nandritra ny ora maro. Nantsoin'izy ireo antarobia izy hoe ahoana ny nahafantarany ny efiranony. Tsotra ihany ny navaliny, "*Eh, manana fomba ahafantarana izany aho.*"

Rehefa namaky izany tamin'ny boky aho, miaraka amin'izay efa hitako tao Houston, dia nanomboka nisy zavatra nanintona ny saiko - dia ny fahafantarana fa misy lehilahy mihoatra lavitra ny hafa. Mbola betsaka no nitranga alohan'ny nahafantaroko ny fanambarana rehetra tao am-poko, hoe IZA marina io lehilahy io.

Tao amin'ny Sekoly Biblika ny taona 1952, dia nisy zavatra nitranga izay tena nampitombo ny fahafantaroko. Billy Paul, zanak'i ny Rahalahy Branham sy ny tenako dia samy nianatra tao ary lasa mpinamana akaiky. Nisy fifatorana teo aminay satria samy nanaiky izahay ny amin'ny Batisan'ny rano amin'ny anaran'i Jesosy Kristy Tompo. Indray hariva dia noresahin'ny tompon'andraikitra tao antsekoly (Dean) i Billy Paul momban'ny zavatra iray, ary akory ny hagagany fa Rahalahy Branham dia niantso antarobia ilay Dean avy lavitra teo no eo ihany momba ny resaka nifanaovandry zareo, raha nandeha nivoaka ny birao iny Billy Paul. Fotsy tahaka ny taratasy ny tarehin'ilay Dean raha nivoaka iny izy ary nanontany ahy hoe taiza izy teo sa hoe nampiasa telefaonina? "Tsia Tompoko" hoy aho, "Tsy nampiasa izany izy" "Eny ary" hoy izy. "Reverend Branham any Indiana no niantso antarobia ary nilaza tamiko momba ny resaka nifanaovako tamin'i Billy zanany!" Tao anatin'ny foko, dia nieritreritra aho, "Mahagaga ny nandrenesan' io lehilahin'Andriamantra io, izay anarivony kilometatra miala teo no nisy azy, ny resaka nifanaovan'ilay "dean" sy ny zanany. Tena mankasitraka izany aho na dia tsia tsy afaka nanao izany aza ny dadako.

Folo taona taty aorianana, dia tonga tao Phoenix, Arizona aho namonjy fihaonana iray. Voatendry ho

Junior International Director aho, izay miandraikitra ny asan'ny tanora. Ny "hippies" sy ny ditran'ny tanora moa izany dia tsy maintsy natrehina, mba hitondrana azy ireo eo amin'ny fety mba hahatongavany ao amin'ny Kristy. Nataonay izany ary notahin'Andriamanitra io asa io. Tena tsara io lamin'asa io. Vokatr'io asa io dia lasa mpinamana tsy mifankafoy ny tenako sy Richard Shakarian, izay ny rainy moa ny filohan'ny International Full Gospel Business Men (FGBM). Indray maraina tamin'io fihaonana io, Rahalahy Branham dia voatendry ho mpitondra tenin'ny FGBM. Satria notezaina tao amin'ny fiangonana Pantekosta aho, dia tena tiako ny toriteniny. Izy dia nitory manohitra ny volo tapaka sy ny fitafiana fohy (vehivavy), ary ny fanaovan'ny vehivavy fitafian-dehilahy, notoheriny izany rehetra izany, tahaka izay nampianarina anay tao amin'ny Pentecostal Holiness Church. Diboky ny hafaliana aho raha nandre ny toriteny io maraina io, izay noheveriko fa tena zavatra ilaina tokoa izany. Kanefa tsikaritro fa ny olona nipetraka teo akaikiko, indrindra ny vehivavy, dia nanifikika ny lohany ary nanohitra, mifampikitika amin'ny kihony ka tonga narary mihitsy aza ny taola-tehezany amin'izany. Avy eo izy dia nijanona ary nilaza tamin'ireo vehivavy ireo, "Ry andriambavilanitra, mamele ahy hilaza zavatra aminareo, *"Efa nandeha niaraka tamin'Andriamanitra ianareo tahaka ny andehananareo mandrapandoanareo ny vidiny faran'izay lafo!"*

Noheveriko fa marina loatra izany, tena marina ho antsika rehetra. Nandeha lavitra isika mandrapahatongatsika ho vonona handoa ny sarany lafo dia lafo. Noho izany, te handeha lavitra hijaraka amin'Andriamanitra ianao, fa raha tena te handeha lavidavitra ianao, dia arakaraky ny mahaafaka anao amin'ny ota no hanompoanao bebe kokoa an'Andriamanitra. Hitanao, ny ota no manakana anao tsy hanompo an'Andriamanitra.

Taorian'izay toriteny maraina toa amin'ny fihaonamben'ny FGBM, raha nandeha nisakafo atoandro izahay, dia tsikaritro fa nisy vehivavy tena nandray antendrony izay voalazan'ny Rahalahy Branham. Nisy ireo izay fanta-daza moa teo ary nilaza tamin'ny vadiny, "*Billy Branham dia tsy tokony hitory tahaka izany! Mandratra ny ataony fa tsy manasoa. Mahatonga ny olona hiala izy. Manafintohina olona maro izy.*" Narary ny foko, fa kosa tonga tao antsaiko fa mety ho marina ny tenin'izy ireo, mety hoe izy dia tsy manaraka toet'andro.

*Ny andro manaraka dia niverina tao amin'ny fivoriana indray aho. Mbola nitory teny ihany Rahalahy Branham, ary teo ampitoriana teny izy dia izao no nolazainy: "Mieritreritra ve ianareo fa tsy fantatro izay lazainareo momba ny toriteny nataoko omaly? Hoy ianareo, "Billy Branham dia tokony tsy hitory tahaka izany! Billy Branham dia vao mainka mandratra toy izay manatsara. Mampandositra olona maro indray izy." Avy eo dia nanondrika ny lohany izy, ary reko avy eo amin'ny toerana nisy ahy teo amin'ny lapihazo ny vavaka nataony manao hoe: "Andriamanitra o, raha mpaminaninao aho, ka marina ny lazaiko amin'ireto olona ireto, hamarino (porofoy) aho Andriamanitra o." Tonga dia nisy tranganjavatra niseho nanaraka izany. Nanomboka tamin'ny ilany iray izy ary nolazainy ny zava-miafina tao am-pon'izy ireo: ny anarany, ny fiavany, notononiny ny adiresiny, ary notohizany nankany ampovoany izany. Ny vondrona iray teo afovoany dia avy any Suisse ka sarotra taminy ny nanonona ny teny, fa hitany kosa ny marika teo amin'ny lalana (panneau) izay misy ny fonenan'izy ireo, dia iny no namakiany azy indray avy eo. Tokony efa nampangoritsina azy ireo izany. Avy eo izy nitodika dia nivoaka dia hoy aho tao anatiko, "Izany no Elia teo antendrombohitry Karmela!"*

Io atondro io dia tafaraka nisakafo tamin'ireo andiany ireo ihany aho, dia hoy izy ireo, "*Hitanareo, mbola,nataony ihany ilay izy!Mandratra ny ataony nohon'ny manatsara. Fa maninona ary no avelandry zareo izy no mpitondra teny ao amin'ny fivoriana ao.Raha tsy i Carl Williams izao dia tsy ho mpitondra teny teo izy.*" Teo no nahatsapako fa i Rahalahy Carl Williams dia nijoro tamin'ny hafatry ny Rahalahy Branham.

*Ny alina nanaraka io, i Dokotera Jim Brown, Presbytera no nitondra ny teny raha niditra iny Rahalahy Branham. Dokotera Brown dia nitodika ary nilaza, “Tena tiako raha i Rahalahy Branham no handray ny fitenenana anio alina. Te hanontany aho raha mba afaka manatona Rahalahy Branham ka hilaza teny fohy.” Rahalahy Branham dia nanao zavatra hafa indray avy eo izay mbola tsy hitako nataony taloha, na hatramin’izay, Nampiasainy ny fanomezam-pahasoavana dia ny fanahy mamantatra izay mbola tsy namitaka azy. Nitodika tany amin’ilay ramatoa nipetraka teo amin’ny orga izy, iray tamin’ireo nanohitra azy, dia hoy izy, “Ranabavy, tsy fantattro ianao, tsy marina izany? Eny hoy ny navaliny. “Fa tsy fantattro koa ny reninao, tsy marina ve izany?”*

“Eny,” hoy izy.

*Rahalahy Branham dia nanao izao fampanantenana manaraka izao: “Raha inoanao ny teny izay nolazaiko taminareo sy hinoanao fa mpanompon’Andriamanitra aho, dia rehefa tonga any an-tranonao ianao, ny reninao dia tsy ho voan’ny “katarakita” (cataract) amin’ny masonry roa.”*

Eny e, mety tsy afaka manampy na iza na iza izany, fa izaho aloha dia nahasoa ahy izany. Hitako io ramatoa io iray volana taty aoriana ary nanntaniako ny momba ny reniny. Hoy ny navaliny, “Eh, Ranadahy Green, vao tonga tany an-trano aho, tsy teo amin’ny msony intsony ireo cataract ireo.” Nisy fiovana tamin’ny endrik’ilay ramatoa tamin’izany fotoana izany. Nosasany ny hanoratanao tamin’ny tarehiny, nihogo ny volony ary ny akanjo dia kelikely Izy ela kokoa. Fa ny nampalahelo, hitako izy roa taona lasa izay, niverina tahaka ny taloha indray.

Dia nanomboka nianatra avy amin’izany rehetra izany aho. Rehefa nandeha nody tany an-tranoko ny taona 1962. Nanapa-kevitra ny handoa ny sarany bebe kokoa aho dia hanakaiky bebe kokoa an’Andriamanitra, ary andeha lavidavitra. Tamin’ny taona 1963 no tiako nanohanana ny asan’ny Rahalahy Branham tao Beaumont, dia ny namelana azy hitory araka izay hitarian’Andriamanita azy, ka tsy voatery hiala tsiny na amin’iza na amin’iza izy amin’izany. Nanaiky izy, ary indray Alahady alohan’ny ahatongavany dia nitory tamin’ny mpiangona (fiangonako) aho momban’ny fahagagana hitako tamin’ny asa fanompoany, ary naneno ny telefaona tao amin’ny biraoko. Nolazaiko azy ireo ny fahagagana (miracles), nahita ny famantarana fa tsy tena naheno ny feony. Tahaka ny nataon’ny maro tamin’i Jesosy. Hitan’izy ireo ny famantarana ary raha mbola nitohy ny fahagagana dia tsara izany, fa rehefa nanomboka ny Hafatra Izy (message), dia “tsy nanaraka azy intsony izy ireo.” Rehefa nanomboka niteny Izy, “Izaho sy ny Ray dia Iray ihany,” dia tsy afaka nandeha lavitra ry zareo. Mbola tsy hitako tao amin’ny Hafatry ny Rahalahy Branham koa izany rehefa nilaza izany tamin’ny mpiangona tao amin’ny fiangonako aho ny alin’io.

Nisy anankiray namely ny antso antarobia ary nanapaka ahy fa hoe i Rahalahy branham no miantso. Tamin’izany fotoana izany dia nipetraka tao Tucson i Rahalahy Branham, ary izaho dia tao Beaumont. Raha niala tsy niresaka taminy aho, dia nilaza tamin’ny mpiangona, “Satria miresaka momba io lehilahy io aho, tsy tsara ve raha handeha hiresaka aminy aho aloha dia miverina avy eo milaza aminareo izay lazainy?”

Miresaka amin’ny telefaona aho, “Manahoana, Rahalahy branham.”

“Manahoana, Rahalahy Pearry.” Hoy ny navaliny.

“Rahalahy Branham,” hoy aho diboky ny hafaliana, “fantatrao ve ny ataoko izao?”

“Eny, fantattro,” hoy ny navaliny mora foana.

Fantany fa teo ampitoriana momba azy aho. Sy nisalasala tamin'ny momba azy aho. Fantro fa fantany. Nanao zavatra betsaka teo amin'ny fiainako io. Tsapako fa nihena ny fitezerako amin'ny vadiko, ny fikiakiana amin'ny ankizy, tsy mora tezitra, manam-paharetana, tsy manao zavatra miafinafina, satria hitan'Andriamanitra izany, ary Izy dia afaka mampiseho izany amin'ny olona any amin'ny 1500 kilometatra. Nahasakodiavatra ahy io. Niverina teo amin'ny polipiotra aho ny alin'io ary somary hafa (different) nohon'ny nialako teo. Ary nanana zavatra hafa ho lazaina azy ireo aho izay tsy fantatro taloha.

Ny herinandro manaraka io zavatra niainana io, Rahalahy Branham dia nitory teny tao Dallas. Raha tany iny aho, dia nisy mpanompo iray fanta-daza eran-tany nanasa ny Rahalahy Roy Borders sy ny tenako ho ao amin'ny biraony mba hidinika ny fomba ahafahan'i Rahalahy Branham mandeha any Afrika arahin'ireo mpanaradia azy, mba hitondra Sekoly Fampianarana Fanafahana (Delivrance) vitsivitsy. Hoy io lehilahy io taminay: “*Fantatrareo fa Rahalahy Branham no olona hitako teo amin'ny fiainako fa olona faran'izay mora taritina indrindra. Hatramin'izay tsy niarahako taminy izay, dia nandeha niaraka tamin'ny fampianaran-disony izy. Ohatra hoy izy, ” manohy ,” Raisinao io fampianarana momban’ny Taranaka Menarana io! Mazava ho azy fa ny fiainana mahagagan'i Rahalahy Branham sy ny asa fanompoanydia mahasarika an'ireo, fantarareo izany, olona kidaladala - mety hoe lehilahy antitra miakanjo voronkitsay, hermita, na hoatran'izany no nivoaka tao anaty ala, manao volom-bava lava be, mety ho olona tahaka izany no tonga nilaza tamin'i Rahalahy Branham io Fampianarana maloto momban'ny “Taranaka Menarana io”*”. *Fantatrareo fa i Rahalahy Branham dia mino izany ary toriany eny amin'ny polipiotrany. Io horonampeo io ankehitriny dia nivoaka ary namotika ny asa fanompoany.*”

Ie, vao avy nandre ilay hafatra “Taranaka Menarana” aho ary nihevitra izany ho fanambarana mahagaga. Dia hoy aho, “*Rahalahy, efa henonao ve ny horonam-peo n'i Rahalahy Branham momba ny “Taranaka Menarana”?*”

“ Tsia, hoy izy, “Tsy manam-potoana hiainona izany zaoridira izany aho!”

Natahotra aho. “*Tsy tokony hiteny izany ianao, rahalahy, mandra-pahenonao izay lazain'io olona io! Aza manao izany!*”

Rahalahy Borders izay efa teo alohan'ny nahatongavako, dia nikasika ny feko, dia fantattro fa mila mangina no dikany ary tsy miteny na inona na intsony momba an'io. Avy eo dia nanohy niresaka mahakasika zavatra hafa izahay, dia niala tsiny izahay dia lasa.

Ny alin'io ny Rahalahy Branham dia tonga tao amn'ny favoriana, ary io lehilahy io koa dia nipetraka teo amin'ny lapihazo teo. Rehefa lasa ny mpihira (Chorale), dia izy irery sisa no tavela teo amin'ny lapihazo, ambony tsara mba ho hitan'ny mpiangona rehetra. Tonga i Rahalahy Branham, ary niarahaba azy, dia nanao ny toriteniny. Rehefa akaiky hifarana ny toriteniny, dia nijanona izy, niantso fanahy iray tery amin'ny ilany ary hoy izy, “*Andraso aloha hoy izy, misy zavatra tsy mety!*” Ary teo dia nisy olona tery amin'ny ilany anakiray izay manana aretina mitovy, dia hoy izy, “*Ireo fanahy roa ireo dia mifampikiakiaka!*” Avy eo, niaraka tamin'ny fahefana dia hoy izy, “*Amin'ny Anaran'ny Tompo, didiako (faiziko) izy roa ireo!*” Avy eo dia hoy Rahalahy Branham, “*Fantatrareo fa zavatra hafahafa izany, taorian'ny nahitan'ny olona ahy in'arivony, mamantatra aretina ary nilazako,* “*Izao no lazain'ny Tompo,*” dia tsy mbola nisy diso mihitsy izany, kanefa rehefa omenan'Andriamanitra fampianarana tahaka ny Taranaka Menarana aho, dia lazaindry zareo fa azoko tamin'ny lehilahy antitra tahaka ny ermita.” Teo dia nihodina izy ary nitodika tany amin'ilay lehilahy sady nojereny ny

tarehiny.

Nipetraka niaraka tamin'ny be sy ny maro teo aho tamin'izany rehefa nitranga izany, ary raha jerena amin'ny saina tsy miangatra dia tsy maintsy efa noresahan'i Rahalahy Borders momban'io Rahalahy Branham. Noho izany, taorian'ny fivoriana, dia tsy andriko izay hanontaniana an'i Rahalahy Borders hoe inona no notenenin'i Rahalahy branham azy rehefa nitantara taminy izy. Kanefa rehefa nanontaniako Rahalahy Borders, dia namely mazava hoe "*Tsy nilaza taminy aho.*" "*Tsy nahita azy aho!*" mbola nanamafy nanontany azy ihany aho. Hay teo vao tsapako fa tsy maintsy efa henon'i Rahalahy Branham tamin'ny fomba mahagaga (supernaturel) ny resaka nifanaovanay ny folak'andron'io. Nasehon'Andriamanitra tamin'ny mpanompony ny zava-nitranga tao anaty biraon'ilay rahalahy.

Hatreo anefa dia mbola tsy nisy fanambarana tato amiko. Fa taty aoriana kely vao tonga io. Tamin'ny Febrero 14, 1964, dia nandray anjara aho tamin'ny fampisehoana an'i Rahalahy Branham tao amin'ny fahitalavitra. Raha nijoro teo anoloan'ny varavarana fidirana mankao an-tranoko aho, dia hoy aho tamin'ny vadiko, "*Handeha ho any an-tanàna aho ho any amin'ny Rahalahy Borders sy Billy Paul mba hampiseho azy ireo izay alehanay mba hakàna ilay fandaharana ao amin'ny fahitalavitra (banquet) anio alina, dia ho fantatr'izy ireo ny fomba hampidirany an "i Rahalahy Branham ao.*" Teo dia nsy tanora lehilahy vitsivitsy miara-mipetraka aminay, dia lasa aho nilaza ny vadiko, "*Tenenonao ireo zatovo lahy ireo fa raha vao tafaverina aho ,dia ho entiko mihety izy ireo satria hipetraka hiaraka amin'ny fianakaviana androany, tsy tiako ny mahita azy ireo tahaka izao.(shaggy)*" Dia lasa aho nandeha namakivaky ny tanàna ary nahita an'i Rahalahy Borders, ary nilaza tamiko izy fa i Billy Paul dia vao lasa niaraka tamin-drainy teo, lasa any anaty ala mivavaka.

Minitra vitsy taorian'izay Rahaly branham sy Billy Paul dia tonga tamin'ny fiara. Nifampiarahaba izahay, ary noresaiko tamindry zareo ny hoe hitondrana azy ireo any amin'ilay toerana. Rahalahy Borders sy Rahalahy Billy Paul dia niditra nilaza tamin'ny vadin'izy ireo fa handeha izy ireo. Raha vao niverina izy ireo dia nilaza tamin'i Rahalahy Branham aho, "*Rahariva izany mihaona.*" Dia nandalo teo alohany aho mba hanaraka ireo rahalahy roa vao lasa vetivety teo, raha niteny iny izy, "*Malakilakia ianao raha mbola hihety.*"

Nandeha tongotra mafy aho ary diantogotra roa sisa no tsy nahatongavako teo amin'ny fiarako. Dia nihodina aho njery azy, ary nilaza taminy, "*Ahoana no nahafantarao fa handeha hihety aho?*" dia nanomboka namaritra ny varavarako izy.

"*Rahalahy Branham,*" hoy aho "tany an-tranoko ve ianao dia niresaka tamin'ny vadiko?"

"*Tsia*" hoy ny navaliny, "*Rahalahy Pearry, tamin'ny aho tany anaty ala teo, dia nampahitan'ny Tompo ahy ianao nitsangana teo, miresaka amin'ny vadinao fa hoe hitondra zatovo sasantsasany mba hihety.*"

Rehefa nilaza izany teny izany i Rahalahy Branham, dia nibasasaka ny fanambarana tao ampoko. Izay fanoherana sisa tao dia vaky. Nikiakiaka aho, "*Tompoko, hitako fa mpaminany ianao miaraka amin'ny fanahin'i Elia! Tianao ny tany efitra! Mikiaka lafy ianao manohatra ny fanahin'i Jezebel!* Ny *mpitonandra fivavahana eran-tany dia nolazainao fa mpiatsaravelatsihy fa ianao tsy mba maniry vola na laza.*"

Nasandrany ambony ny tanany tahaka ny milaza amiko hoe aoka izay, "Rahalahy Pearry," hoy izy, "amin'izay ataonao rehetra, dia lanjao ao amin'ny ny Soratra Masina; fa Izaho kosa tsy mba handà izay

nolazain'ilay FEO teo amin'ny reniranon'i Ohio tamin'ny 1933!" Dia notohizany hoe, "Ry Rahalahy Pearry, tsy milaza na inona na inona momba izany teny imasom-bahoaka aho. Ny olona dia tsy mahafantatra ny atao hoe mpaminany. Fa rehefa tonga izany hazavana izany tahaka ny tadio nidina avy tany an-danitra, dia hitan'ireo olona nipetraka teo amoron-drano, nisy Feo izay niteny tao anatin'izany, toy ny nataony tamin'i Paoly teny an-dàlana ho any Damaskosy. Hoy ilay Feo "Tahaka an'i Jaona Mpanao Batisa nalefa hialoha làlana ny fiavian'i Jesosy Kristy Tompo voalohany, ny hafatralo dia hialoha ny fiaviany fanindroany."

<http://www.believersnewsletter.org>



[info.bnl.ministries@gmail.com](mailto:info.bnl.ministries@gmail.com)